

JOH. FABRICII PHRYSII  
De  
MACULIS IN  
SOLE OBSERVA-  
TIS, ET APPARENTE  
earum cum Sole conver-  
sione,

NARRATIO.

cui

*Adjecta est de modo educationis specie-  
rum visibilium dubitatio.*



VVITEBERGAE,

Typis Laurentij Seuberlichij, Impensis Iohan. Borne-  
neri Senioris & Eliae Rehefeldij. Bibliop. Lips.

---

ANNO M. DC. XI.

BRITISH MUSEUM  
SALE DUPLICATE  
1787



*Illustri & Generoso Domino*

**DN. ENNONI, TO-**

**TIUS ORIENTALIS PHRY-**

**siæ, Comiti, DOMINO in Esens,**

**Stedesdorff & Wittmund & c. Dn,**

**meo Clementissimo.**



Æpenumerò in mentem venit, Inclyte & Generose Comes, Domine Clementissime, dedecere ingenuum, non agnovisse beneficia, aut suam quomodocunq; erga benefactores non declarasse gratitudinem. Hoc enim ut maximè reminisci oportebat omnes, ita sanè mihi, non solùm id recordandũ, sed etiam faciendum semper existimavi, tantò quidem maturiùs, quantò cumulatione & majora ego à T<sup>a</sup> C. accepi paucorum annorum curriculo beneficia: Nam tanta fuerunt hætenus, quæ meam non tantùm vicerunt expectationem, sed vel quovis etiam humano voto præoptabilem longè superârunt liberalitatem. Equidem, si moram memoriæ gratæ & debitæ, tamdiu intermissæ, candidè excusare liceat, non leviter mihi cum temporis inopportunitate, ad amoliendam admissæ ingratitude suspicionem, arbitror expostulandum; si quidem de argumento declarandæ gratitudinis



non tantum diu multumq; cogitavi, sed etiam non minimam ejus partem pridem adornavi, quod tamen, ut præ magnitudine quidem propositi; maximè verò intervenientium impedimentorum multitudine & varietate maturari non potuit; ita nondum publicum contestandæ gratitudinis successum habuit. Commodè autem interea fortuna mihi subvenit refarciendæ moræ compendio, sic, ut quæ sui diuturnitate alioquin in me aut detestandæ ingratitude criminis, aut negligentiae suspicionem exonerare potuisset, nunc procul dubio tolerabilior evadat, mihi non suspicandæ ingratitude impunitatem promittendo; alijs meliorem fortè studiorum meorum qualemcumq; spem afferendo.

Proinde breviusculam hanc narrationem, cujus argumentum fortitò mihi obtigit, Cels. T. humiliter offero, sperans non inidoneam habitum iri ad excusationem moræ nostræ diuturnioris. Nā etsi quidem si formam spectemus, indignam judicamus heroico tuo judicio, tamen cum materia sit præcellentior, & longè notabilior, sub hujus præsidio putavi imbecillitatis nostræ memoriam innocenter latere posse; unde plenā nihilominus spe Cels. Tæ, dedicationem maturavi. Quid enim gratius aut jucundius fortuna nobis cōferre potuit, quàm in splendidissi-  
mo fo-



mo solis jubare, oculis cunctorum haecenus for-  
midabili, maculas & magnitudine & motu con-  
spicuas, nunquã antea animadversas, contueri?  
Neq; verò hinc seculi nostri fortunã, & insignem  
ut credimus, prærogativã admiremur, quasi vete-  
ribus mentem nullã, nobis verò felicissimã rerũ  
contemplationem tribuerit natura: Atqvi certò  
credendum est, prima secula, & his 'proxi-  
ma longè nostris anteferẽda esse, adeò ut misero  
fortunæ Euripo ad nos duntaxat quisquillas re-  
jecerint, ut ut de ambitiosã hujus seculi sapien-  
tia gratiã inire velint odiosi antiquitatis sublan-  
natores. Nã nos videmur esse illi, qui, dũ metus  
culpæ, vel imbecillitatis cõscientia, vel provinciæ  
perplexitas absterret, id putamus faciendum, ut  
summã scientiã in eã statuamus securitate, quæ  
per alieni regni contemptũ sui magnitudinis fa-  
ciat opinionẽ. Verũ rectè ille sensit, qui nos nil  
nisi alieni laboris beneficiarios esse dixit. Id ut in  
alijs omnibus indubiũ; ita in his nostri seculi in-  
ventionib. nõ omnino negandũ; quippe & hæc,  
quæ in sole notamus admiranda, etiã veterũ quo-  
rundã meditationes vix subterfugerunt, licet ad  
sensuum demonstrationes ipsis fortuna viã non  
patefecerit: tantò tamen majores nobis habẽdi,  
quãtò nostras incredibili mētis subtilitate præve-  
nerunt invētionēs. Utinã nobis veterũ exemplo



rarum addiscendarum rudimenta aut fundamenta essent Mathematicæ disciplinæ, quibus ingenia teneriora ad rerum naturalium cōtemplationem faciliùs assuefierent: id quod non minùs adultioribus etiam ingenijs optandum esset, ut circa hæc studia diligentius navatâ operâ, inexhaustam naturæ opulentiam perciperent; sic veteram ista felicitas nostra quoq; foret: nisi pro panduntaxat Philosophari animo statutum sit nostro; quod tamen, quia communiter ferè sectamur omnes, ita difficulter invenimus, qui, de spectui habitis quæstuosæ vitæ studijs, literarum affluentiam potius, atque eam affectent possessionem, quæ singulari securitatis privilegio, adversus omnes rapacioris mundi molitiones cauta sit. Sed quia in ære nunc præstantia & virtus inest, omnes plusquam virtutis hujus studiosi facti sumus, adeò ut miserandam pulcerrimarum scientiarum ferè internecionem nobis ista humanorum ingeniorum attulerit mutatio. Sic etiam factum est, ut Mathesis, quæ initio excoli solita erat veteribus, nunc non tantùm non postremò, sed sæpe nunquam tanquam inutilis & superflua tractetur. Verùm tamen quia nobis per hanc aditus ad meliora sternitur, omnes hanc viam meritò ibimus. Quà in parte ego tantò etiam ardentius & lucentius pro meâ contendam tenuitate,



penitente, quanto sæpius divino Tæ. Cels. judi-  
cio hanc viam audiui commendatam. Siquidem  
Cels. Tæ. probè novit, irritam esse, studiorum  
præsertim medicorum rationem, nisi illam inea-  
nus ab exploratione verarum causarum.

Quocirca Cels. Tæ. humiliter obsecro, ut hunc  
meum in his & alijs conatum, eâ, quâ hætenus,  
gratiâ complectatur, meamque de maculis sola-  
ribus narrationem ceu primam animi grati signi-  
ficationem clementissimè accipiat, mea; con-  
similia studia liberaliter promoveri non desinat.  
Ego interea Cels. Tæ. felicissimam patriæ gu-  
bernationem, optabilissimam tranquillitatem,  
& faustissima omnia ex animo precor.

Dabam V Vittebergæ Anno Aæræ

Dionys. 1611. Idib.

Junij.


*Tua Cels.*

*Subiectiss. Client*

*Johannes Fabricius.*

MAXI





*Epigramma ad autorem*

**E**Rgo Panomphæi facies pulcherrima Phœbi  
Obscureata suis non careat maculis?  
Nec puræ putæ tueatur lucis honorem,  
Quin partem hinc aliquam nævus & umbra ferant?  
Quis videt hæc? Immò quotus hæc non ridet, aperto  
Quamvis indicio res satis ipsa probet?  
**FABRICII** est acies, facies quæ novit ad unguem,  
Quot quot fert rutilis Uranie rotulis.  
Hoc duce flammivomos ausis specularier orbes,  
Cernere & illæsis mundi oculos oculis;  
Hoc duce cognosces, punctis varietur ut atris  
Circinet & proprio Sol super axe viam;  
Dum docet, ut tenui tanta hæc magnalia chartâ  
Suscipias facili suspiciasque modo.  
Ingenio lucem sic Phœbi foenerat umbræ,  
Et mirè tenebras vindicat à tenebris.  
At tu (Nam plusquam quæ lyncis acumine pandis  
Non celebrem uraniæ diâ reperta novæ?)  
Salve Aquila ingenij, Phœbejum germen, ob ista  
Addita Olympiacis lumina luminibus!  
**SOL** faciet Veri, vero quem lumine claras,  
Ne maculent maculas fascina scæva tuas;  
Sed te perpetuis æternet Fama quadrigis,  
Quam semel ingenio, bis solidâ arte meres.

*Georgius Tisenius: Neapoli-Brun-  
svigius.*



AXIOMAM meherculè gratiam  
apud naturam invenimus, ut, qui à na-  
tura ferè studio atq; cultu abhorremus,  
ejus nihilo tamen minus vel invitì non  
aspernandis fruamur divitiis, adeò  
ut quæ olim laboriosè fuerint expetita, nobis inter ne-  
gligentiam & ignorantiam ultrò nata sint. Ita quæ  
olim avariter fortasse habuit natura, nunc tantum  
abest, ut invideat nobis, ut etiam prodigat cumula-  
tissimè. Verùm si rectè quidem judicamus, infeli-  
ciores tamen multò sumus veteribus, qui eam, quam  
habuimus libertatem, indigno alieni imperij commu-  
tavimus servitio, unde quæ illis in ingenuâ istâ liber-  
tate fuit hereditas, nobis jure, vel si mavis, injuriâ  
istius nostri mancipij capeffenda non videatur: nisi  
& nos liberti facti, natura testamento caveamur de  
jure hereditatis potiundo: Siquidem sub ipso jugo  
atq; servitio perpetuis concertationibus & dissidiis  
universa scientia nobilioris possessio pessundatur: quia  
cum singuli opinione melioris prerogativæ possessio-  
nem universam ambimus, fit ut mutuis odiis atq; in-  
vidiâ nihil retineamus omnes. Proinde non vulga-  
riter laudandi sunt illi, qui circa natura negotia libe-  
riorem navant operam; non adulatione inflexam, aut  
netu contractam si ve factione quâdam conjuratam.

R

Nam



Nam hoc tantò commendabiliùs ducendum est,  
quantò periculosius est hoc seculo veritatis studium.  
Depugnandum enim est aduersus seditionem, ambi-  
tionem, inuidiam & sexcenta alia, quibus e victis  
aut e victus, immortalem sæpe tui relinquis memori-  
am, verum non virtutis, sed tuæ illius, ut putant, in-  
sanæ merito prædicandam, adeò ut hoc pacto verifi-  
mile sit, veterum quorundam crevisse memoriã, quæ  
primam ætatem ferre nõ potuisset, nisi illustris quædã  
illorum insania ob vulgi factionem ita existimata,  
conciliasset nomini, indignam immortalitatem. Ma-  
gæ tamen perpetuã laude & nomine, quicunq; vete-  
rũ exemplo nobis viam præibis & spem facies recu-  
perandæ libertatis, ne amplius ex audaci ignorantia  
jus dicamus nature. Aut, si libertas nostra hæc sit; nõ  
detrectabimus mutare nomen, ad seruiendum para-  
ti. Non enim censemus ingenuã illã libertatem, quæ  
non tantum è nature seruitio exijt, sed etiam ejus si-  
bi dari postulat dominium, ut imperato ejus obsequio,  
adjuvetur in subtilitatibus suis incautæ simplicitati  
persuadendis. Verum ingenuitate certandum est  
& candore in veritatis negotio, nõ adstricto nec co-  
cto iudicio. Satis enim est in pueritiã præmansum  
deglutisse cibũ: nunc quum adolevimus, nostro com-  
minuamus stomacho: Non enim ad matris ubera ja-  
cendum semper est; ab lactandi sumus, ut ipsi quæra-  
mus alimenta. Proinde magnã videntur mihi inju-



riâ afficere naturam illi, qui ad versus luculentas veritatis demonstrationes, nihilo secius sese muniant, ambitiosâ hujus vel illius auctoritatē, in quâ eam sibi statuerunt scientiæ suæ securitatem, ut etiam in ejus fide universam oppignorent naturam.

Id non ita pridem in celebri isto circa recentia cœli Phenomena negotio apparuit; quando Cometa qui aliquot jam seculis ex nescio cujus vel gratiâ vel proscriptione in supremo hætenq; aëre exulabāt, evaserunt in cœlū, præeunte Tychone Braheo vcrē nobili: Quàm visa fuit ista insperati itineris novitas ab illis, quibus Cometa solum aut Cælum vertisse ne quidem per somnum incidisset; siquidem persvasionis pertinaciâ jam occalluerant omnes: Unde etiam non poterat tam inveterata ista sentētia ex animis illorum deleri primo aggressu, etsi oculus indubitata rei novæ faciebat fidem. Hîc acriter usq; pugnatum est, dum tandem sera penes aliquos ceperit incrementa, quæ haud scio, an etiamnum adepta sint in animis doctorum ultimam perfectionem. Credo enim multos hæc de re nihil quicquam inaudisse, plures adhuc dubitare, alios impudenter contraire, quos etiam non pudeat *μαγάδαξιν* ex visus difficultate obortam potius *παρόρασιν* appellare, Sed prob, eò progressa est pertinacia nostra, ut sensus etiam fidem nō inveniant amplius; quin imò imaginatio tantam habeat censenda veritatis prerogativam, ut vix permittamus argumentis à sensu ductis revinciri nostras obstinationes.



Hoc enim plerisque nostrum innatum est, ut, etiam si errore commonstrato causâ ceciderint, non tantum non cedant, sed de genu etiam pugnent, aduersus manifestam veritatem. Verum quantum est lucrum istius audacia, si tantò plus perdamus ignorantia? Quid enim cælo metuendum, si illibi quoque generari talia corpora aut quoquo modo fieri arbitremur? Equidem puto, nostram tellurem ob generationis vicissitudines, nihilo peiore conditione esse, quàm illorum, quæ supra sunt corporum unum: quippe & nostra quam habitamus terra, illis qui ex veterum festiua fabulâ Lunam incolunt, vix tantum abest, ut aliquando corruptibilis visa, ut etiam æterna fortassis habita sit, certâ incorruptibilis cuiusdam sideris persuasione. Parum abest, quin etiam illuc quasi quidam Ptolemæus alter, huius observa verit motum, non minore quàm in reliquis observationis studio. Caveas igitur nobis DEUM propterea facias inherciscendâ illâ universi hereditate iniquum, qui nos, quos propter molitus totum illud erat, in abjectissimum illum angulum compingeret, in quo miseri, corruptibiles & mutabiles ipsi, contuentes perpetuam istam ambientium corporum incorruptibilitatem duplo afficeremur dolore; nostri quidem miseriâ consideratâ, illorum verò præ nobis felicitate visâ: tametsi in isto malo, quando secus statutum est, levamen quærere possunt ex Lunæ consortio: quam à Solis radiis incursum calere ajunt: plurimi & maria & terras intulerunt: unde eadem generatio



generationis Communitas foret ad vapores, ad nubes  
quas nescio an aliqui ex nostris sese vidisse affirmant:  
Verum non opus fuit hanc nostram in quâ versamur  
naturam ab illâ supernâ segregare, propter corrupti-  
bilitatis diversitatem, aut incorruptibilitatis prero-  
gativam, quum & hanc non minus arrogemus,  
illam non negemus. Etenim vicissitudinaria nostro-  
rum corporum mutatio, alteratio, generatio, corru-  
ptio vix adiment universæ terræ immortalitatis  
privilegia, ut ob id necessum sit herciscendorum  
finium inire rationem, ad sequestrandam utriusq;  
naturam: Non enim liceat, ut equidem arbitror,  
viro naturæ consulto, ob illas alternatas particula-  
rum quarundam mutationes, totum hoc in dubium  
incorruptibilitatis vocare, nisi continuatis illis cor-  
porum depletionibus & perpetuis rerum corruptio-  
nibus terræ lenta tandem tabes metuenda sit, cæte-  
ris supernæ naturæ corporibus interim bene habi-  
tis. Sed absit, ut tellurem nostram è tribu incorru-  
ptibilium amoveamus, ut etiam eodem jure cum cate-  
ris uti dicamus: Et sanè quam diu naturam nostram  
terrestrem ex incorruptibilium censu excepimus, non  
paucis doctorum subsellia implevimus dissidijs, adeo  
ut sperari altercationum inducia haud possint, nisi mi-  
nuamus rigorem sententiæ. Credo neminem non  
animadvertisse fastidiendas inde manantium opi-  
nionum absurditates, quas etiam hodie alunt sub  
speciosâ veritate non pauci literatorum: ita nil pensi  
B 3 habe-



habemus, quid verum dummodo aliquid dixisse  
videamur alijs: Sed candidè & ingenue pugnandū  
est, ut licet immensam naturæ sapientiam nostris  
emetiri sensibus haud queamus, non tamen id com-  
mittamus, ut nostræ rationis audacia metum igno-  
rantie præveniat falsâ quâdam intellectiōis osten-  
tatione: Malimus verecundâ quadam dubita-  
tione in rebus sublimioribus vinci, quàm affectato  
definitionis, aut decisiōis jure etiam vulgarem supe-  
rare ignorantiam. Candida enim nostræ in  
rebus sublimioribus ignorantia conscientia, non  
parvum affert lucrum eruditioni. Age igitur in-  
genuitate certemus & modestiâ, non præfracti aut  
nimis præsidentes. Illud enim veritati propius est:  
hoc etiam ingeniosos defraudat ejus possessione.  
Habuimus modestos ejusmodi & ingenuos olim  
veritatis vindices & duces non ignavos, qui exem-  
plo nos præierunt: habemus & hodie, qui divinam  
naturæ opulentiam, si non plenè, saltem in speculo  
nobis exhibent contemplandam: in speculo  
inquam; sed ecce! quod translatitiè affectabat ani-  
mus eloqui, id nunc casus metaphora, cum ipsâ rei ve-  
ritate ludendo, serio enuntiat. Audisti, ut nuper  
sagacissimus ille Galileus, Lunam etiam in parva  
à nobis interstitio mirabiliter fecerit visendam:  
Adeò sumus superiores veteribus, ut quam illi Car-  
minis magici pronunciatu demissam representasse  
putantur, nos non tantum innocenter demittamus,  
sed



sed etiam familiari quodam intuitu, ejus quasi conditionem obtueamur. Et sanè si quo videndi desiderio, atq; contemplandi capiamur studio, non potest, quin insolentis apparitionis admiratione impleti, nostram, quam natura debemus conscientiam, modestis excutiamus dubitationibus. Tantos ibi an fractus, declivitates, eminētias, asperitates, inequalitates & prærupta terræ rudera, & Oceanos conspiciamur navigabiles. Loquor nunc nostro more; quod si in hoc peccatum sit, mallem ut aliquis certiore inter-nunciome atq; alios ex hâc locutionis culpâ eximeret: Verùm ita visuntur ista. Vnde equidem admiror veteres, qui, dum non ineptè omnia in omnibus; quodlibet in quolibet, suo quodam modo inesse dixerunt, id eo etiam successu dixerint, ut quod de Luna modo cognovimus non fallente experientiâ, id etiam nobilissimum cœli corpus non videatur detrectare: quod paulò pòst breviusculâ narratione ostendemus. Ita ingenuus indagator ex veritate immensum delectationis & jucunditatis quæstum occipit, adeò ut ad cœlos etiam subvolet animo. Prætereo nunc Saturnum recens Galileo triformem observatum, ut ex literis cujusdam viri fide digni accepimus; Taceo adinventos quatuor circa Iovem erroneos, qui ejusdem Galilæi diligentia nobis monstrati sunt; quos non tantum multis visos, sed etiam observatos aliquoties constat. Verùm subtilitate hic opus est summâ, ne & oculus, atq; instrumentum nobis imponant, alioquin



alioquin proclivis hic lapsus est & facilis eorum  
persuasio, ob infinitas affixorum siderum luculas, in  
Planetarum confinijs constipatas. Equidem si mihi  
ipsi fido, eos mihi visos non ausim simpliciter negare:  
Verum quia instrumenti mei subtilitas non omnino  
attingebat tenuitatem illarum stellarum, malo ista  
observationis fide carere, quàm obscura licet aliquo-  
ties repetita animadversionis testimonio temerè fa-  
mam augere novæ observationis. Quin id factò opus  
esse non censeo, cum sponte non tantum crediti sint qui-  
busdam, sed eam etiam invenerint gratiam, ut eorū  
presidio in Planetarum tribum sint accensiti. At  
metuo ne illinc non tantum excenseantur, sed etiam  
ob difficilem earum contemplationem fidem penes  
multos omnino amittant. Hæc tamen qualiacumq;  
& quantacumq; sint, merentur utiq; non ignavam  
considerationem: quin nos maximè excitabunt ad  
suspiciendam naturæ superioris majestatem. Etsi  
enim illa nobis natura nobilior censetur, & major  
quoq; à nobis distantia majorem investigationis diffi-  
cultatem persuadere videtur; tamen tantò putamus  
commodiorem, certiore & jucundiore rerum  
supernarum considerationem, quanto minus sensuum  
judicia effugiunt. Sunt enim superiorum motus  
& virtutes sensibus nostris nullo penè negotio mani-  
festa, ita ut illos diu noctūq; contueri liceat, has ve-  
rò tum intra tum extra nos experiri, adeò ut vix  
existinem, quenquam rectè sentire de naturâ posse,  
nisi



nisi ad has naturæ superioris effectiones tanquam  
exemplaria quasi quadam nostratis naturæ mentem  
animumq; converterit. Unus namq; iste motus o-  
mnium mirabilium effectuum genitor est: Unum di-  
co, quippe ab uno movente est, cujus regalia in Sole  
non inconsultis argumentis ostendunt: Unde & hic  
ceterorum actus quidam est: ab illo enim ambi-  
um siderum virtutes, in potentiâ quasi quiescentes, e-  
vocantur ad sensibiles effectiones toti universo com-  
municandas. Proinde rectè quidam nostram hanc in  
parte negligentiam diligentioribus prævenerunt in-  
ventionibus, & dissolutam illam corporum munda-  
norum motionem à veteribus hætenus creditam or-  
dinatione & naturæ convenientiore excusarunt mo-  
do: quod tamen ipsorum inventum tantum abest,  
ut suffragiis, sui serva verit hætenus auctoritatem,  
ut etiam miseris multorum obtrectionibus, cavilla-  
tionibus & irrisionibus etiâ nunc dolendam sustineat  
iacturam. Verum in hoc naturæ damno insignem  
lucrati sumus ignorantiam, quâ licet pleriq; sciamus,  
nolumus tamē id alios scire, nec ubi errasse videamur.  
Sed nolimus in tali foro mercari, ubi tanto pretio ema-  
nus in scitiam: Prostabit natura nobis minore labore  
& majore lucro redimenda. Hanc vestigemus, et-  
iamsi per sexcentos errores ad veritatē sit eundum,  
non pudeat facti recantatione, sic ubi meliora videmus.  
Non enim ilicò assentiendum est communibus persua-  
sionibus, quibus multi detinentur sub modestiâ inve-  
stigatio-



stigationis, sed cognoscendum est, quid natura con-  
venientius & rationi verisimilius. Ita ista munda-  
norum corporū dispositio jã à multis inde seculis con-  
troversia non caruit, alio aliud docente, in quã depe-  
ciscenda laborârunt non pauci; verum sine fructu;  
donec tandem nostro tempore litē demonstrationibus  
dirimere cœperint. Equidem si veritati venia sit,  
dum ipse mecum litigo, & meus ipse arbiter fio, casum  
juxit occasio insperato quodã arbitrio, ita ut mihi, dũ  
intestinã lite hãc ardentius calerẽ, natura gratia mo-  
destum imposuerit silentiũ, interpositã evidentioris  
demonstrationis fide. Proinde nil foret hãc utilius  
quã assensũ mereri in fide nostræ relationis, vix cõ-  
modiorem sperans rationem afferri potuisse ad extin-  
guendos diuturnæ istias ob hoc negotium susceptæ aut  
suscipiendæ dimicationis calores. Verum mens mihi  
in vestibulo præsagire visa est, futurã nõ tantum as-  
sensionis difficultatẽ, sed etiã dissensionis immodesti-  
am, atq; in verecundiã, cujus imminētis metus, si non  
omnem narrationis confidentiam initio mihi proposi-  
tã sustulerit, saltem non leviter remorata est, usq; a-  
deò ut quæ sui conscia apertũ & primã fronte conje-  
ctabilem sermonem non pertimesceret, nunc etiã mo-  
destiore orationis tegumento amicta, nihilominus ad  
singulas infligendi ictus minas commoveat; videturq;  
mihi id usu venire quod illi, qui rem justam cum pos-  
sit ab homine molesto, difficili, in verecundo, petitionis  
sue caput, ambasiosq; verborũ verecundiã, quasi a-  
liena



liena spectans, expedire solet, ut quæ contractim & simul dicta, imperiosa postulationis speciem præ se ferre viderentur, ea decenti quodam circuitu & modestiore insinuatione, non tantum non perdant gratiam penes morosiores, sed etiam in maximâ sæpe rei difficultate petitorum voti sui efficiant compotem. Sed; colligamus animum, & in justâ causâ satis verecundati, tandem quod proposuimus, afferamus, ne in longiore narrationis dilatione delusisse lectorem videamur. Notum est, quæ nuper Batavis inventa sint perspicilla, quæ res etiam procul dissitas incredibili magnitudine cum admirabili lineamentorum & colorum distinctione nobis representant intuendas. Unde factum est, ut jam familiare sit, non solum his qui terrâ mariq; distantissima quæq; prospecturi sunt, sub majori visionis angulo, sed etiam plerisq; aliis, qui cælorum aditus hoc instrumento aduti explorare cœperunt, adeo ut quæ sub inaccessibilis scientiæ, & vix aut nunquam assequendæ cognitionis rumore multos absterruerant, aut saltem ab indagationis conatu abstinuerant, facilitate per investigationis ostensâ, reddiderint securiora. Hinc ita percrebuit fama tanti artificij; idq; non sine multorum fructu, quos ceteroquin jucundissima rerum mirandarum contemplatio latuisset. Ad nostratum enim rerum speculationes, quantumvis non sit inutile, tamen quia ad illa oculi per venire plerumq; possint corpore propius adducto,

2

precio-



preciosius ad inaccessibilia, & præsertim celestia distinctius intuenda habitum est. Unde propter incredibile rei successum multi sibi non temperarunt, quin in Lunam, ut antea diximus, subvolarint, immò ad Iovis astrum, unde etiam cum quatuor hujus satellitibus dimissi viam redire multis hætenus impenetrabilem. Quorum tum audaciam tum ingressi itineris felicitatem equidem primò miratus sum: tandem & ipse novitate rei permotus, & aviditate cognoscendi istam excitatus, me quoque accingebam ad regiones superiores, itinere ut mihi pollicebar, non infelici perlustrandas. Via visa est illicò plana, tuta, secunda: quo effectum est, ut præfidentius ab hac jam aliis ita & trita discederem, quasi novas cum Batavis Insulas in angusto mari quesiturus. Tandem in viam incidi Solem versus, in qua cum pergerem, eminens solem suspexi vastæ magnitudinis instar orbis aut globi mundani: visus est non negligendam interdum etiam circa margines inæqualitate & asperitate, quam & parenti meo Davidi Fabricio obscurius quidem animadvertens ex ipsius intellexi ad me datis literis: quod tamen ut asseverare certò non possum, meretur interim ulteriorem diligentioris observationis operam, non difficulter illi, qui exquisitiore perspicillo inspiciat, præstandam. Dum verò hæc ita attentè contemplan, repente obtulit sese macula nigriuscula, ab altera verò parte rarior atque dilutior, non parva, respectu ad discum solis habito, magnitudinis. Cæpi initio



tiò non nihil dubitare de observationis fide: Si quidem nubium hiatus solem mihi orientem detegebat, ita ut existimarem, nubes prætervolantes mentiri in Sole macula speciẽ: Repetita est vel decies observatio per Batavica perspicilla diversæ magnitudinis: tandem maculam illam à nubium interjectu non effici, satis certus factus. Nolui tamen mihi etiam in manifesto isto oculorum testimonio propter monstruosam & inusitatam Solis apparitionem assentiri. Vocavi ilicò parentem, cui tum temporis ex Bataviâ reversus aderam, ut ad hanc observationem, non quidem sine metuendo oculorum damno, habendam, accurreret. Uterq; aptato perspicillo excepimus Solis radios, ex margine primùm derafos, paulatim ad medium eundo, donec visus acies ad illapsum radiorum assueta, totum Solis orbem nobis visendū admitteret: Vidimus tunc prædicta distinctius & certius: Interea diuturnioris observationis commoditatem interpellabant nubes, & Sol quoq; ad meridiem festinans sustulit omninò nostram expectationem; quippe metuendum erat, ne audacior Solis submioris inspectio insignem oculorum afferat lesionem: quia Solis etiam occidui aut orientis radius debilior sæpenumero oculum peregrino rubore ita infect, ut illum bidui spacio sæpè circumtulerit, non sine specierum objectarum adulteratione. Proinde monito observaturos, ut si ea in Sole libeat experiri, id cautè peragant, ne in faciendo hujus rei periculo, repentino



repentino radiorum incurſu oculorum ſibi faciant  
pericula, ſed admoto, prout decet, perſpicillo, à mini-  
mâ radioſi luminis portione incipiant, uſq; dum ple-  
no orbe viſus Solem tolerare poſſit. Sed hæc quili-  
bet ſuo modo & compendio: Nobis ſatis erat in-  
præcipiti iſtâ occaſione didiciſſe cautionem talem  
à neceſſitate. Hæc inter primus iſte dies abiit, &  
Solem non ſine magno craſtinæ revolutionis deſide-  
rio reliquimus, adeò ut etiam noctis interventum  
ægerrimè tulerit humana curioſitas. Nihilo  
ſecius tamen retinuimus deſiderium noſtrum  
timidiuſculis meditationibus. Nondum enim con-  
ſtabat, an macula iſta nobis viſa præſtolaretur proxi-  
mam obſervationem, quæ nobis tantò maiorem  
ſui expectationem afferebat, quantò in tantà re era-  
mus incertiores. Eventum tamen rei ultrò citroq;  
habitis ſermonibus quiſq; pro ſuo æſtimabat ingenio  
& voto. Equidem malui dubitare, quàm lubrico  
incertæ rei argumento opinionem ilicò concipere, non  
ſine pudore, re ſecus animadverſâ, relinquendam.  
Duplicem tamen proponebam mihi eventum, ex quo  
alterutrum neceſſariò noſtræ dubitationis ſequeſtrum  
eſſe oportebat: Macula enim iſta aut in Sole erat,  
aut extra Solem. Si in Sole, non erat dubium,  
quin nobis iterum conſpiceretur. Sin extra Solem  
non poterat fieri, ut in Solis diſco ſequentibus diebus  
deprehenderetur. Sol namq; motu proprio præteriſſet  
hanc qualemcumq; vel nubeculam, vel corpus Solem  
inter



inter  $\text{\&}$  nos suspensum. Hac ubi nox dubitationibus potius quam somno edormita esset, à Sole jam redeunte expergefacti sumus, qui sereno sui spectaculo, non ingratum se nobis fecit arbitrum in anticipi isto negotio. Cursim ego, vix ferens moram curiosa mei ad intuendum Solem compositionis, inspexi: Primo statim oculi ictu, macula ista denuò apparuit, id quod non levi me afficiebat voluptate, qui licet præterita noctis dubitatio duplicem eventum, quorum alterutro de veritate rei fieremus certiores, proposuisset, hunc tamen conscientiam nescio quā tacitè elegissem. Et hunc ita diem, crebro Solis intuitu paulatim labentem, amisimus, vix dum expleto videndi desiderio, tametsi oculi molestè ferebant nostram importunitatem, quam nobis exprobrabant, comminatione insignis alicujus periculi. Interea tantum abest, ut istā observationis crebritate omnes scrupulos eximerimus, ut etiam alios majores senserimus, quia macula ista à primo primæ inspectionis momento, ad ultimam usq; observationem nonnihil loco decessisse visa est, quod ut tū erat penè insensibile, ita nihilominus tanta erat diversitas, quæ sufficeret ad excitandam in animis nostris ambiguitatem. Nolimus deinde oculos fatigare amplius isto onere, sed cepimus consilium, ut si quo compendio eos in posterum levare possemus, id minime prætermitteremus.

Cogitavimus igitur de radijs Solis per angustum foramen intromittendi,  $\text{\&}$  in obscurā, clausis fenestris



fenestris, camerâ observandis. Notum enim  
est ex Opticis, quod omnia, quæ foris sunt & agun-  
tur, in tenebroso cubiculo possint representari, aperto  
solum angusto quodam foramine, per quod species  
rerum ipsi foramini objectarum, illabantur, ut pin-  
gant parietem in cubiculo oppositum, sed omnia in-  
verso situ. Hoc igitur artificio consulentes rei diffi-  
cultati, Solis imaginem in Cameram obscuram intro-  
misimus, atq; illabentem in convenienti à foramine  
distantiâ papyro excepimus, quam idem tidem mota-  
vimus, ne forte papyri macula observanti. Solares  
persuaderent maculas: animadvertimus primò ma-  
culam satis magnam instar nubeculae longioris ad al-  
teram extremitatem sensim extabescentis: Ejusmo-  
di enim nobis apparuit in obscurâ Camera & per  
perspicilla: Locum hunc, ubi prima observatio habeba-  
tur, nobis servavimus, tum ad iterandas observatio-  
nes, tum ad diversitatem, si quæ contingeret, contem-  
plandam. Postquam verò has Cælum indulserat  
observationes, quasi tumultuarias, continuo ferè se-  
renitatis obsequio; sui copiam deinceps non fecit am-  
plius triduo, propter continuâ obscuritatis interven-  
tum.

Tandem iterum inclaruit consumptâ nube, &  
spectaculum sui præbuit, memoriâ perpetuâ dignum.  
Vidimus in sole maculam illam ab oriente versus  
occidentem promotam, sed quâdam obliquitate; &  
dum attentius inspicimus, aliam maculam notamus  
ad orbis



ad orbis solaris marginem, sed minorem, quæ nihilo-  
minus majorem insecuta paucorum dierum interval-  
lo ad medium fere solis discum penetravit. His tan-  
dem supervenit alia, adeo ut jam tres conspicerentur,  
quarum una eaq, major interea paulatim ad margi-  
nem alterum egressa à nostro oblituit aspectu, cæteris  
nil minus propediem meditantibus, id quod non ob-  
scure colligi poterat ex motu: Unde diebus paucis in-  
terlabentibus & ista exivère. Profecto hinc animus  
estuabat plurimum, sperabat, metuebat, sic ut ferè il-  
lis quasi nunquam redituris valedixissem, nisi me  
spes, quam suspiciosa suggererat conscientia, erexisset  
ad minime irritam futuri reditus expectationem.  
Expectavi igitur eventum rei ad decem circiter dies:  
quod dum facio, denuo circa orientalem marginis ex-  
tremum, major, quæ nuper prior discesserat, appa-  
rere cœpit. Hæc sensim progressa cum in solis orbem se  
penitus insinuasset, & reliquæ insecutæ sunt, obscu-  
riusculo quodam, ut circa margines fieri solet, sui in-  
dictio. Tum equidem sensi, illarum revolutionem  
quandam esse, siquidem in obversâ orbis Solaris par-  
te dum sese spectandas obijcerent, motu suo progressæ,  
tandem in aversam partem & nobis inconspicuas  
abdebantur, propediem revisendæ. Id verò non ex  
unicâ saltem revolutione persuadere mihi nec potui  
nec volui, ne me atq, alios deciperem, sed ex aliquot  
sequentibus, quas ab anni hujus initio ad hoc usquè  
tempus non tantum ego solus notavi, sed alij etiâ me-  
cum



cum ad conciliandam huic rei fidem, & persuaden-  
dum illis, qui forte hoc observationis negotium sibi  
molestum aut tædiosum existimaturi sunt. Sed hic  
minimè prætereundum censeo illud dubium, quod me  
post habitas jam aliquot observationes exercere cœpit,  
adeò etiam, ut quã initio rei conscius suscepissem scri-  
bendi provinciam, postea non tantum distulerim, sed  
etiam pœnitere me cœperit temporis his observationi-  
bus impensi: Videbam enim maculas nō easdem per-  
petuò distantias exactè retinere, neq; eadē motus con-  
citatione per discū Solis ferri, sed in medio velociores,  
ad marginē verò tardiores esse: deinde macula eam,  
quã habebant in medio Solis orbe faciem, amittebant  
plerumq; in extremitatibus. Hujus autem rei causa,  
ut facilis quidē inventu erat, ita nihilominus me non-  
dum curiosius inquirentē latere potuit, donec tandem  
diligentiùs investigans, non obscurum colligerē neces-  
sitatis argumentum, sic, ut quod proposito meo officere  
initio videretur nō tantum non obesset, sed etiā maxi-  
mum esset demonstranda veritatis præsidium. Nam  
cū ex observatis verisimile sit, maculas in corpore So-  
lis harere, quod Sphericū, rotundum & solidum est,  
non possunt eandem motūs, figuræ & distantie habe-  
re rationem. In medio enim orbe moventur macula in  
lineā visui quasi parallela: quando verò ad extremi-  
tates abituriunt, moventur in lineā à visu obliquā, &  
sic multæ motionis partes in lineā obliquiore coeunt,  
proinde remissior motus apparet. Idem judican-  
dum



dum de variâ earundem figurâ diversaq; distantia,  
quippe quæ in medio oblongior erat, ulterius promotâ  
sensim figuram recipere potest rotundam, distantiaq;  
coarctari possunt: Linea enim recta secundum extre-  
mitates oculo objecta, punctum repræsentat: multæ e-  
nim partes sub unâ visus lineâ coeunt. Hinc ergo  
manifestum est, non potuisse secus sese rem habere, si  
circa Solem moverentur maculæ, quamvis prima  
cogitatio contrarium suaderet, non in itâ ratione ro-  
tunditatis. Hic ergo convocamus, qui operam non  
recusant locare veritati & naturæ, ut eam quam hic  
rudem damus materiam, ulterius excolant, nostram-  
quæ solius infirmitatem, adversus imminentem con-  
tradictorum multitudinem vix comparabile, levent  
concordiâ defensionis, non quidem quod illos metua-  
mus, qui neglecto, si quod est, observationis tedio ipsi-  
met in rei veritatem inquisituri sunt (hi enim oculorû  
suorû fidem vix alterius obsequio negabunt:) Sed quod  
iniquam illorum pertimescamus censurâ, qui sine ad-  
hibito sensuum suorum testimonio ilicò pro volabunt  
ad inciviles contradictiones, & nostrâ qualemcunq;  
diligentiâ suspectâ reddent simplicioribus: Verum id  
multum nobis officere non possit, si tantû proficiamus,  
ut aliqui sciant: Illis ego suum caput non in video, mo-  
dò ne oculos nobis in videant, quibus hæc nobis persua-  
deamus. Res nâq; observatu digna, & ab omnibus na-  
turæ studiosis animadvertenda: Equidē meū hîc sym-  
bolū cōtuli: alij & suū afferant. Satis n. putavi narra-  
toriam de-



dedisse demonstrationem, & ceteros invitasse ad per-  
quisitionē ulteriorem. Hinc tamen nonnulli, si illis  
dubitare liceat, suspicabuntur corporis solaris in loco  
suo conversionem, quam Iordanus Bruno asseruit,  
& nuper admodum defendit in suis, quos de Martis  
motibus edidit, commentariis Kepplerus vir profun-  
da eruditionis & admirandi iudicij, quo tū in  
divina Matheseos peritiā, tū in naturalibus sci-  
entiis ætate nostrā vix noverim feliciorē, Quid e-  
nim faciamus ex maculis, nescio, si non in ipso Sole col-  
locemus, an nubes? non crediderim, quenquam hūc te-  
merē ab antiquitate discessurum quæ alioquin satis  
sollicitē nubium comitatū ad Solem & Cælum in-  
terdixit, & naturæ nostræ cum cælo familiaritatem  
impenetrabili disruptit interstitio: Non enim Solem  
tam indigum cum veterum quibusdam existimabi-  
mus, ut sibi victum ex nostrā aut alterius quærat re-  
gione, nisi ignis nomine illam subeat voracitatis ca-  
lumniam, ut insit illā avaritiā, quā omnia ad sese  
rapit, nostris etiam sedibus non parcat. Sed secus sen-  
tiendum est viro naturæ studioso: siquidem macula  
istæ multis visa, aliquot seculorum ætatem habent,  
licet plurimos sub alieni sideris præsentia fefellerint,  
quod quidē ipsis propter observationis raritatem con-  
donandum est. Neq; cum illo etiam temerē puto sen-  
tiendū, qui nostris dubitationibus subvenire volens,  
Cometarum officinam in Sole collocabat, unde tan-  
quam emissarii & exploratores emitterentur, brevi



ad Solem redituri. Quod felix & faustum illis sit,  
modò ne explorent nostram hanc in sparte ignoratiam.  
Arbitror enim hanc naturæ particulam ex illis esse,  
quæ intellectus nostri infirmitatem patefaciāt, nosq;  
provocent ad cautiores meditationes, quam vel ima-  
ginatio, aut callidior ratio è trivio persvaserit. Ego  
quidem malo hic maturè tacere, quàm de his inon-  
sideratè quicquam effutire: interim tamen non com-  
mittamus, quin privatis dubitationibus & conside-  
rationibus hanc naturæ objectionem diluamus. Ve-  
rùm si quisquam, impetratā à Sole loquendi veniā,  
persvaserit ejus conversionem, mihi non repugnabit,  
neq; aliis contraibit, quia id non tantum non negent  
plurimi, sed etiam non temerè contradicendis id as-  
severent argumentis. Hæc enim volutatio causa est  
motuū in cæteris, propter radios Solis in gyrum con-  
versis, & lucem ubiq; fusam. Hæc namq; ut unum  
in n. ovendis his inferioribus est principiū & instru-  
mentum Aristoteli: ita etiam in superioribus haud  
dubie motus causa est. Adeo enim verum est, quod  
Aristoteles in probl. ait: Sol pater & autor motu-  
um est. Nihil autem dicimus hinc de motu terræ mul-  
tiplici Pythagoræ invento, à Copernico revocato, &  
plurimis aliis credito, & defenso: quanquam potissi-  
ma Mathematicorum pars terræ diurnam circum-  
volutionem unanimiter tribuit. Ego quidem si hinc  
perditurus sim salutem meam, obsecro ut erigant me  
ex diuturnâ rei ambiguitate penè desperantem: alio-



quin mihi metuo, ne rupto sacramento fiam transfuga  
ad diurni motus assertores. Nā si sol eccentricitatem  
quandam habet, cujus ratione eveniant Solares pro-  
sthaphareses, quod quidē evitari aliā ratione nō pot-  
est, non quit fieri, quin Sol primi mobilis raptu circū-  
ductus, omnes postaphareseos diversitates unicā diur-  
nā revolutione sustineat, adeò ut semel ☿ in apogeo  
☿ semel in perigeo sit: siquidē ipse Sol reipsā circū-  
volvitur, ut communis est sententia; nisi ipsum metu  
istiꝝ quotidiana hinc secutura prosthaphareseos, extra  
propriā orbitā tantisper expaciari dicamus, quod esset  
sententiae suae infirmitatē munire majoris absurdita-  
tis argumento. Hec etiā quae de Sole diximus, Luna  
accommodari eādē possunt ratione. Et si maximè hoc  
statuamus, non video quid inde queat extrui absur-  
ditatis, quod alicubi Scaliger ad Cardanū his verbis  
testatur. Quod tu ☿ alij dicitis, terram iccirco fa-  
ctam esse immobilem, ut circa eam cetera verterentur,  
id aequè alienum est à veritate, posset enim ipsa nihilo  
secius in puncto moveri; non enim eo motu exiret à  
proprio loco, nihilq; propterea flagitij committeretur.  
Ut ut verò sit, Solem siderum motus efficere certum  
sit, adeò ut hoc quidem principio usus in divinatrice,  
ut vocant, scientiā, præter communē tamen morem  
☿ modum, tantum effecerit, ut Planetarum loca ex-  
actiùs observet, quàm qui vis sibi instrumentorum  
possit polliceri certitudine. Hinc Mercurij præsertim  
motus, propter Solis vicinitatem in observabilis ha-  
bitus,



bitus communē istam difficultatis calumniā effugere  
potest, ut ejus etiam circa Solem inaequalitates anim-  
advertere liceat: quod ut instrumentis negatum est,  
ita ad restitutionem motus non negligendū; quippe  
Mercurius circa Solē possit quandā habere anoma-  
liam, quam ē radiis Solis emissus penitus amittat, si-  
ne ullo istius indicio. Unde conijcimus, non eandem  
Mercurio felicitatem sperandā, quā ceteris erroni-  
bus; licet ex extremis ejus à Sole digressionibus Ca-  
nones facti, facilē nobis persvadeant, cū ignoratio  
istius quantulacūq; circa Solē inaequalitatis nō pos-  
sit gignere erroris suspicionē. Sed viderint hāc de re  
artifices, nec omittant, quin sapientissimū hoc sidus,  
quod ab antiquitate sapientibus tributum est, non mi-  
nori quā ceteri diligentia & studio expediatur cō-  
muni motuū errore. Id enim decebit ipsius præstantiā,  
qui nō tantū suā ipsius naturā & moribus conten-  
tus, sed aliorū quoq; siderum ingenia mirā varietate  
induit. Hoc & talia multa quotidie docet cælum.  
Quid? Astrologiæ verioris fructus inenarrabiles  
sunt, quos nō temerē totius nostræ secretioris cognitio-  
nis fermentū dixeris. Hinc n. ut hoc obiter addā, na-  
turæ-consulti medicos, sanitatis tutores, cōsiliis instru-  
unt, ad pervestigandas vegetabiliū naturas, ut melio-  
rem & feliciorē faciant medicinā: quod ut antea  
non sat egimus, ita miserē ignorantia nostræ asylum  
quasi vivimus in occultis qualitatibus, ceteris omnibus  
ad elementorum tribum i. misis: unde crassius  
planta-



plantarum virtus explicata, aliquot medicorum se-  
cula satiauit sine appetitu ulterioris cognitionis: Ve-  
rùm quàm malè, videntur quidam nostrâ ætate sed  
pauci agnovisse. Quid enim juvat, plantas sollicitè  
per ordines elementares duxisse, si de virtute nativâ  
atq; internâ incerti, incautè plurimas tacitè dissiden-  
tes, in unum confusas, defraudemus nihilominus sin-  
gulas observata virtutis honore. Sed id nunc artis  
publica est, ut in horreum nostrum simul cum frugi-  
bus etiam scarabæos cum suis tabernaculis atq; omni-  
bus ex areis omnia converramus sine vanno aut cri-  
bro. Verum si animadverteremus, inesse plantis quin-  
tam quandam naturam & cœlestem, quâ capiti, cor-  
di, jecinori, vel aliis partibus peculiariter prosint, vel  
obsint, non amplius desperandum esset de acquirendo  
medicinæ honore per insperatas sæpe felicesq; curatio-  
nes. Et ut planta illam à Cœlo virtutem mutuata  
est, ita non minus etiam luculam, quæ in floribus con-  
spicitur, indicem naturæ suæ inde adeptæ est, quasi  
in hoc etiam cœlo sua lucere sidera natura voluerit.

Quomodocunq; verò sit, hinc causas rerum dabis,  
quando alij in occultæ virtutis excusatione acquies-  
cunt; hinc iudicio delectas conjunges, quando alius e-  
lementares ordines primos, secundos, tertios spectans,  
tumultuariâ compositione speratas sæpe enecat virtu-  
tes. Sed satis de his, ne narrationis modum exceda-  
mus prolixiore excursionem. Hoc interim impensè  
omnes rogamus ut breviusculâ hanc de maculis solari  
bus si-



bus significationē, eo, quem veritatis studiosos de-  
cet, animo accipiant, & nostram qualemcūq; dili-  
gentiam non moleste ferant, non futuri nobis molesti,  
si ea, quae jam modo proposuimus, accuratiores inve-  
stigent studio. Quantum enim ingeniis libenter  
cedere volumus felicioribus, tantum modestiā eos su-  
perare certum est.

Sequitur.

## DE MODO EDUCTIONIS SPECIE- rum visibilium.

### DUBITATIO.

**V**T haec res cum Sole affinitatem habet non par-  
vam, ita praetermittere non potui, quin sub-  
necterem, non quidem ut eruditioribus persuaderem  
docendo, sed ut illis occasionem darem, dubitando.  
Nam hinc certare diligentia nostra jure debebat,  
quum in clarissimā istā luce atq; omnibus manifestā,  
nostra tanto major obscuritas sit: nostrā enim pluri-  
mum interest, hujus explorare proprietates, quippe  
quod ad formarum conditionem propius intelligen-  
dam non parum afferat momenti. Certare, inquam,  
merito nostra hinc debebat diligentia, ne id, quod omni-  
bus manifestum est, ipsum intellectui solum obscu-  
rum sit: quin potius otiosos dies non nisi in ludicris  
saepe rebus furtim labentes impendamus tam precio-  
se lucis contemplationi. Etenim certum est, in lu-  
ce istius lucis apricari secretissimam rerum natura-  
ium cognitionem. Sed quod quisq; est, qui haec

non



tantum non curat, sed etiam eos, qui ista explorant  
diligentius, curiositatis titulo salutatos, objicit deri-  
dendos simplicioribus? quasi animam nostram, qua  
duntaxat ad intelligendum nata factaq; est, dede-  
ceat, negotiosa quidem ista multiplicis intellectionis  
opera naturae suae excellentiam atq; divinitatem tue-  
ri. Verum sint licet literae secretiores fastidioso  
quorundam contemptu despiciatior habita, ita ut se-  
rium sui cultum amiserint, non tamen committen-  
dum est, ut illorum error ignorantiae nostrae sit  
praesidium: Pergamus potius in hac luce, & mali-  
mus hic avarioris ingenij audisse nomen, quam igna-  
va quadam liberalitate & modestia, alijs reliquisse  
inquirendi negotium. Nolumus verò hic de lucis  
naturâ prolixè differere (ab hoc enim onere imbe-  
cillitas nostra nobis cum pluribus alijs communis,  
facile nos excusat;) sed specierum visibilium educcionem  
brevisimè tantum considerare, tradituri alijs  
decidendi negotium, ut quae, non contemnenda  
quidem, per vestiganda educcionis documenta  
nobis inter calamum ruditer concepta & nata  
sunt, alij ad meliorem scientiae formam educent.  
At quid lumen sit, queramus prius obiter,  
ne illotis omninò manibus amplectamur modum  
educcionis. Luce hic opus est: actum dicunt nostra-  
tes. Orphicis, & Heraclito placet, quod sit visibilis  
quadam anima, unde omnia reviviscant, anima  
verò sit lux invisibilis. Kepplrus lumen motum esse  
definit;



definit; quæ omnia si sanè intelligentur, contemnen-  
da non sunt; est namq̃ ἐπελέχεια perspicui, quæ perspi-  
cui, per illud enim actu fit, quod antea erat poten-  
tiâ. Heraclito sua sit pictura, quæ nihilominus rem  
ipsam pingit non absurdâ ratione. Per motum etiam  
definiri non inrectè potest. Hoc enim præposito nostro  
de specierum educatione convenientius: Siquidem lu-  
men species atq̃ imago quædam est lucis; hæc autem  
à luce produci non nisi per motum potuit: lumen  
enim motus lucis est, non quod lux reapse per fluorem  
quendam dimanet in omnes totius universi angulos,  
sed quod lucis actio sit lumen; omnis verò actio mo-  
tus quidam est Philosophis, unde etiam natura prin-  
cipium motus definitur, quod tum actionis tum passio-  
nis effectrix sit. Quin necesseū quoq̃ fuit, quum omni-  
um rerum species momentaneo quodam motu à suis  
educantur corporibus: ita hanc quoq̃ speciem exire  
oportuit. Tantum verò differunt, quod nulla  
species reliquorum corporum sine lumine tanquam  
eductore esse possit, lumen verò nullo alio indi-  
geat: Oportuit enim tandem devenire ad aliquod  
primum, quod sui & aliorum in isto genere causa  
sit. Lux namq̃ in sui specie ut lumine, omnium  
rerum species educit, quæ ubicunq̃ sunt, ibi  
totæ: sunt & minimæ, maximæ, majores,  
mediæ, atq̃ omnes tamen in omnibus, quod  
modò ampliùs dicimus. Sane prælucente  
hoc lumine emergemus ex <sup>am</sup> <sup>ph.</sup> ~~multarum~~ rerum  
E 2 obscu.



obscuritatibus, in quas culpā neglecta hujus contem-  
plationis devoluti sumus. Hinc ad formarum  
naturas penetramus, & non infeliciter divinitatem  
summi opificis adumbramus. Sed quomodo specie-  
rum eductio fit? Sine lumine eam non fieri, omnibus  
jam statutum & certum est, mihi quoque non du-  
bium; modum ergo sine illo haud dabimus explica-  
tum. Audi quam nobis vespertinae lucubratio-  
nis fortuna ansam porrexerit ad utilissimam hujus,  
rei contemplationem. Ad duas fortē candelas  
cum in mensā consedissemus, animadvertimus unius  
corporis duas umbras esse, easque ex adverso luminis  
utriusque projectas; quibus dum tertia accederet, ter-  
tiam vidimus, omnes tamen sensim illucescentes. Quae  
res, ut vel pueris notissima quidem est, ita tamen,  
quod sciam, neminem movit, ut in declarandā hujus  
rei perplexitate, tam optabili vulgaris argumenti  
fortunā uteretur, quam nobis tanto feliciorem fore  
speramus quanto majore fide possumus in manifestis-  
simā re persuadere demonstrationem, cunctis fere na-  
turae consultis difficultate haecenus suspectam. Nam  
positis multis candelis, multae, eaque diversae umbrae  
evadent, si autem eas connectas per continuam illu-  
minationem, jam erunt tot umbrae, quot possunt cir-  
cumfusi luminis puncta cogitari. Quod autem spe-  
cies umbrae rerum sint, id haud negatum ibis, si specie-  
rum saltem naturam advertas, quippe in Conum  
desinunt omnes, quod illis propter naturae convenien-  
tiam



tiam cum umbris commune est: Lucida quoque um-  
bra sunt, quia continuata circumfusi luminis illustra-  
tione exiunt obscuritatem. Hinc illud consecrari-  
um, quod omnibus intelligentibus non potest non pla-  
cere: Lumen & umbram esse extrema, quae duplici  
respectu coire possunt. Est namque umbra lucida &  
lux umbrosa, umbra lucida est species: Species enim  
quae erat densioris, & opacioris corporis umbra, lu-  
minis, auspicijs evadit lucida, lux umbrosa, est color:  
Nam Lux corpori opaciori impacta, obumbratur  
densitate ejusdem & coloris subit nomen: Est enim  
color ex genere lucis, sicuti species ex genere umbra-  
rum, quorum illud licet multis & dubium & con-  
troversum sit, non excipienda tamen habet luculenta  
veritatis testimonia. Vides igitur, species lucidas  
esse umbras, quae infinita sui intersectione, transmea-  
tione & penetratione, in quolibet parte totae sunt: Si-  
quidem luminis puncta infinita simul & semel in  
maxima, minima & medijs distantijs, objecto um-  
bram maximam, minimam & mediam circumscri-  
bunt, usque eo ut infiniti fiant conus. Non igitur existi-  
mes, oculos in omnibus distantijs receptare eundem  
speciei conum: infiniti enim sunt ab infinitis luminis  
circundati punctis facti. Oportuit namque oculum  
species percipere in conum gracilescentes, ut metiretur  
visae rei magnitudinem & intervallum: Intelligis quam  
subtiliter nos edocuerit Doctiss. Kepplerus modum  
visionis, ut vel hoc solo argumento mereatur fidem



26  
sua sententia. Nam quum specierum conica solum  
puncta in oculum incidant, non video quomodo oculo  
judicium intervalli atq; magnitudinis tribuamus,  
nisi per mirificam illam specierum decussationem &  
intersectionem explicemus rei difficultatem. Ve-  
rum enimvero hic maximum oboritur dubium.  
An lux in infinitum progredi apta sit: id quod  
Kepplerus in Opticis axiomatis loco tenet: Sol  
enim primum lucidum, imò lucis fons est, qui sui  
speciem non dispari, quam cætera res, conditione  
emittit undiq; versum. Dicamus igitur &  
illius speciem in conum ultimum extenuari, adeo  
ut cum corporis solaris extremâ illâ disparitione  
lumen quoq; extabescat, quod in cono necessarium  
est, qui infinitam sui extensionem per naturam  
non fert. Arrigamus hic mentem, ut excutia-  
mus hanc difficultatem. Omnis species in conum  
extenuata, oritur à majore luminis circumfluen-  
tis amplitudine quam ipsum objectum: id in um-  
bris videmus: quarendum igitur an quia ut lu-  
men infinitis punctis radiat, ijsq; vel singulis vel  
omnibus vel multis, ita simul etiam *καὶ ἡ ἀπὸ τοῦ οὐρανοῦ* &  
*καταθροῦ* speciem educat. Equidem hoc necessa-  
rium existimo, siquidem luminis quælibet pars to-  
tius luminis naturam habet. Partes enim istæ nu-  
merorum habent rationem: Ut in denario decem  
partes vel singula sumuntur, vel collectim, quæ  
partes



partes nisi tota sunt : adeo ut partes qualibet  
totum quid sint, & totum partes sint diverso re-  
spectu: Sic in lumine qualibet pars vel singula vel  
multa simul radiant vel omnes: hinc sequetur, &  
κυλινδροειδὴν & καλαθοειδὴν ab eodem produci umbram  
aut speciem. Haec autem à sensibus nostris simplici-  
ter internosci non possunt, siquidem his turbinate  
& in conum extabefactæ species tributæ sunt pro-  
pter illam, quam diximus antea, decussationem.  
Hic vides, quid sentiendum de illis qui incredibili  
aliquot milliarium distantia res oculis nullo  
modo visibiles, eadem magnitudine representare se  
posse existimant, excipiendo parallelas illas species;  
quod licet tibi persuadere nolim, tamen hoc scias,  
non temerarias fuisse istorum molitiones, etsi sub  
magicae operationis metu, vulgaris ignorantia de-  
tinuit jucundam hujus rei contemplationem. Non  
igitur male Keplerus sensit, dum lucem in infinitum  
progredi aptam dixit: quippe præter conoidalem  
Solis speciem & reliquæ ponendæ sunt, quas, licet  
sensus nostros effugiant, ratio tamen inspicari non  
potest, si modo manifestam rei intelligat necessita-  
tem. Sed unde Solis species educitur, an à luce  
in se, an à lumine jam ducto & generato?  
Necessum est à lumine educi quia & So-  
lis visibilis species in conum extenuatur, cujus  
ratio pendet ex ampliore luminis illustrantis  
circum-



circumfusione, quam extra solem fieri oportet, quia  
lux Solis nativa, ut se intra corporis sui continet su-  
perficiem, ita hoc obire muneris non poterit. Hoc pacto  
cæterarum quoque cælestium lucularum ubique totæ sunt  
species, quas non tantum in oculorum nostrorum  
gratiam summus conditor ordinavit. Sed etiam ut  
mirabiles rerum essent consensus vel dissensus, consti-  
tuit. Oportet enim in omni sympathia contactum  
aliquem fieri ejus quod utriusque est. Ita pullos milvi  
species, aut umbra; Leonem Galli; Elephantem  
suis absterret. Profecto si hic æque velimus judi-  
care, nihil aliud istum, quem nascentes suscepimus,  
cæli characterem dicemus, quam cælestium specierum  
in uno conoidali puncto coeuntium, oculo sensitivæ  
facultatis impressionem: Quod si illæ species umbra-  
tiles ad hoc negotium inidoneæ visæ sint, non poteris  
tamen quin speciebus, licet ex sublimiori luce mundi  
intelligibilis eductis, attribuas istam potestatem  
non sine illarum ministerio. Talis enim formæ cu-  
juscunque conditio, quæ lucis est, & eadem quoque vir-  
tutum exercendarum ratio, quæ in educatione specie-  
rum conspicitur. Hinc etiam non ineptè animam  
lucem dixerunt invisibilem. Existimasne ani-  
mam nostram intelligibilem illas, quæ a sensibus  
accepit species, suo intelligibili lumine illustrare  
atque eas educere species, quæ nobis notiones vocantur,  
idque ratione quâdam majore, minore, æquali, quod  
ex tribus istis specierum figuris æquo censori mani-  
festum



factum est? Sed hinc oritur insigne dubium, quod minime  
omittendum, quin omnium diligentia excutiatur;  
an etiam species in tenebris? Evitare hanc vix pos-  
sumus sententiam, sed non sine distinctione excusan-  
dam: species duplicem habent attributionem, dicun-  
tur lucida & visibiles: visibiles esse in tenebris non  
possunt, neque lucida luce sensibili: Species verò omni-  
no non esse ex his, licet negatis, non sequitur: quippe il-  
la umbræ sunt, quid enim mirum si umbras in umbris  
esse dicimus? Terra enim totius umbra semper educi-  
tur à luminis cœlestis perenni circumfluxu, cur &  
partium educi umbras negabimus? Non id forsitan si-  
ne lumine, sed sensibus imperceptibili: Quippe lumen  
corpus non est, solidis non impeditur, unde lumen om-  
nia permeare, non illuminare poterit quia non omnia per-  
bicia sunt: Quod si hoc argumentum inefficax tibi sit;  
quæsumo me edoceas, quomodo cœlestium corporum vi-  
res subintrent intima terræ penetralia. Id si sine lu-  
mine facias, videberis manifestæ veritati offundere  
tenebras: aërem enim si intrare dicas: ego lumen  
quoque dicam ingredi: Cur enim luminis subtilitas in-  
erjectu terreni corporis impediatur solo aere sua  
corpulentia penetrante? Neque hæc nova est opinio:  
audiamus Marsil. Ficinum in Plat. Soph. Umbræ  
quasi naturam aliquam habent ad res attinentem,  
per quam mutua quædam possit fieri compassio:  
Proclus ait, solere magos miris modis afficere re-  
um imagines & umbras, hæc quoque affectis res ipsas  
E. non. afficere:



afficere: Et alibi inquit: Umbræ non solum sunt radiales & Spirituales imagines, quæ duntaxat resultant ex lumine, sed ut Lucretius ait, quæ sublato lumine procedunt, secumq; materiam corporum trahunt & naturam. Non ergo videbor in naturæ aut alicujus principia impegisse, si hanc dubitationem, uberiori tamen contemplationi reservandam, interim pro opinione teneam, quum multa persuadeant hujus rei probabilitatem. Cælestium enim actiones, ut sine his aut similibus speciebus universo non communicantur, ita etiam perpetua earum requiritur præsentia. Certè profectò, si mirandas cæli impressiones quicquam patiamur habere fidei (ut certè plurimum merentur propter manifestum veritatis testimonium) vix eas excusabimus ullâ ratione, nisi per specierum collectionem earundemque receptionem inveniamus medicinam difficultati: Existimo autem, species x̄o oca d̄is naturæ consulto ad receptionem duntaxat ordinatas esse, ut immensam etiam sui amplitudinem in unius puncti angustia non minus representent: adeò ut hinc visionis modus, cum ratione impressionis superiorum virtutum insignem habeat affinitatem. Ut enim ad commune illud sensuum omnium conciliabulum species cunctæ commeant exili quodam sui turbine; ita cæli totius imago, miro Stellarum omnium dispositu formata naturæ suæ amplitudinem per conijugalitatem in naturis nostris sese exinnuat effiducissimè. Hinc characterem illu-



lum natalem, ceu tesseram servamus perpetuam, do-  
nec tandem universo restituamur. Non verò inanis  
ille est, verum sicut in oculis colores rerum pingun-  
tur; ita etiam nil minus penitiorem sui imaginem im-  
primunt sidera usq; adeò ut non sit mirum, quò Satur-  
ni livor talem plerunq; sobolem generet, nigris capil-  
lis, taciturnum, solitarium: Mars verò suis pingat  
coloribus; sed omninò diversis: Hic enim causa ra-  
tionem & modum rei perspicis. Vides igitur nostram  
comparationem, etiam ultrà quæsituris, non fore re-  
fractariam. Sed contrahamus, ne feramur longius.  
Omnes autem bene judicantes impensè interim solli-  
citamus, ut non negligentem huic rei navent operam,  
non ingratum nobis facturi officium, si convulsis no-  
stræ dubitationis nervis, melioribus persuadeant  
rationibus. Non enim tam qui veras sententias suis  
juvant rationibus quàm qui errore commonstrato in-  
viam reducunt sanioribus argumentis, amamus &  
complectimur. Proinde si diximus vera, dicta sunt;  
sin minus, erroris nostri culpa aliis sit veritatis non  
ledenda cautio, ut, ubi nos offensione meruimus a-  
nimadversionem, ibi nostro exemplo ejusdem defen-  
sione lucrentur laudem, quod ut faxint o-  
mnes amore unius veritatis,  
unicè precamur.

F I N I S.

A

ph.



